

## Faiga faavae tetee-faailoga lanu

### Faamatalaga mo matua ma tagata o faia tausiga

A'afiaga o le soifua manuia, auai i a'oga ma faai'uga o a'oa'oga o tamaitia'oga i le faailoga lanu. O amioga faailoga lanu ma fa'ailoga tagata e leai se faapalepale i a'oga a le malo NSW.

### O le a le faiga faavae?

O le [Anti-Racism Policy](#) (Faiga Faavae Tetee-Faailoga Lanu) faalauiloa le fa'aaloalo ma le nofo fealofani i le siosiomaga o le a'oga. O lona autū ia mautinoa ua paleni avanoa o a'oa'oga mo tamaitia'oga uma ua le afaina ai tupuaga tau i aganuu, gagana poo faalelotu. O le faavae:

- faailoa ai a'afiaga o le faailoga lanu i Apoliki ma tagata atumotu Torres Strait
- e fa'amautinoa o loo maualuga le faamoemoe o tamaitia'oga uma ma e leai se vaega o tamaitia'oga e faavaivai mai lo latou taumafai ona o latou tupuaga i aganuu, faalelotu poo gagana
- manaomia tagata uma o le a'oga e mafaufau ia latou lava amioga ma ia mautinoa ia 'aua le avea a latou gaioiga e fai ma faata'ita'iga i isi tagata i le faailoga lanu
- manaomia le afaigaluega atoa e fa'amae'a a'oa'oga ina ia latou malamalama i o latou matafaioi e puipuia ai le faailoga lanu
- manaomia le iai i a'oga uma o se Ofisa e Gafa ma Tetee-Faailoga lanu ua a'oa'oina.

### O lea le Ofisa e Gafa ma Tetee-Faailoga lanu?

O le Ofisa e Gafa ma Tetee-Faailoga lanu (Anti-Racism Contact Officer (ARCO)) o le faiaoga ua filifili e le pulea'oga e fesoasoani i le taitaiina o a'oa'oga fa'asagatau i faailoga lanu i totonu o le a'oga. Ua fesoasoani le ARCO i le pulea'oga e ala i le tuuina atu:

- lagolago e atia'e ai le malamalama o le afaigaluega e tusa ma a'afiaga o le faailoga lanu i le a'oa'oina ma le soifua manuia o tamaitia'oga
- Fautuaga i tamaitia'oga ma le afaigaluega i auala e tali atu ai pe a latou vaai pe faalogo i mea e tutupu ona o le faailoga lanu
- fautuaga i fuafuaga e mafai ona faatino e le a'oga ia foia ai le faailoga lanu.

Ua a'oa'oina le ARCO e tuuina atu fautuaga i matua ma tagata o faia tausiga, ma faiaoga ma tamaitia'oga e uiga i le faagasologa e foia ai lipoti e tusa ma le faailoga lanu. Pe a talosagaina, e mafai foi e le ARCO ona galue o se [support person or advocate](#) (tagata lagolago po'o se fautua) ao faagasolo le foiaina o faitioga.



## O lea le mea e tatau ona ou faia pe a ua a'afia la'u tama i le faailoga lanu i le a'oga?

Afai ua a'afia lau tama i le faailoga lanu i le a'oga, e tatau ona e faamalosiau ia latou e lipoti atu i se faiaoga poo le Ofisa e Gafa ma Tetee-Faailoga lanu a le a'oga, poo le ono fai e oe le lipoti e avea ma sui o lau tama.

## Faapefea ona ou faia se lipoti e uiga i le faailoga lanu i le a'oga?

Soo se sui o le a'oga, e aofia ai matua ma tagata o faia tausiga ma le aufaigaluega ma tamaitia'oga, e mafai ona faia [a report](#) (se lipoti) e uiga i le faailoga lanu. O lipoti o faaseā i le faailoga lanu e mafai ona fai i pulea'oga, Ofisa e Gafa ma Tetee-Faailoga lanu poo soo se sui o le aufaigaluega. O lipoti e mafai ona ave ise tagata, e ala i imeli poo telefoni, ma faapea ai upega tafa'ilagi a le matagaluega e faa'oga ai [feedback and complaint form](#) (pepa faatumu o faaseā ma tali).

## Ae faapefea faailoga lanu i luga o upega tafa'ilagi?

O faailoga lanu e fai i luga o upega tafa'ilagi e fesoota'i ma le a'oga, e pei o faailoga lanu a isi tamaitia'oga i isi tamaiti taitoatasi poo vaega faaleaganuu, e tatau ona lipoti i le a'oga e pei ona iai i luga. Mo fautuaga e uiga i le saogalemu i luga o upega tafa'ilagi, vaai [Online safety](#) (Saogalemu i luga o upega tafa'ilagi) i luga o le eSafety Commissioner website (Uepesaite a le Komesina eSafety).

## O fea e mafai ona ou maua ai nisi faamatalaga?

Mo nisi faamatalaga vaai [Anti-racism education](#) (a'oa'oga e tete'e -faailoga lanu).

## Fesoasoani a faamatalaupu

Afai e te manaomia se faamatalaupu e fesoasoani e talanoa i le a'oga poo le faatulaga se avanoa ma se sui faigaluega vili le Auaunaga Faamatalaupu o Telefoni i le 131 450 ma talosaga mo se faamatalaupu i lau gagana faamolemole.

Ta'u i le tali telefoni le numera o le telefoni a le a'oga ona vili lea e le tali telefoni le a'oga ma sau ai se faamatalaupu i le laina e fesoasoani i lau faatalanoaga.

Afai e te manaomia se faamatalaupu i taimi o fonotaga ma faia'oga, talosaga i le a'oga mo se tasi ia auai. O le a faatulaga e le a'oga se faamatalaupu ia auai mai, mo luga o le upega tafa'ilagi poo le telefoni, e fua i avanoa. E leai se pili o le auaunaga faamatalaupu.